

潛江縣志卷之十六

知縣事劉煥纂修

邑人朱載震編著

門人莫扈儲校正

人物志 列傳

明

歐陽東鳳

歐陽東鳳字千仞號宜諸十四而孤母許臥病彌年晨夕侍湯藥有唾血跪而食之籲天而泣祈以身代居母喪服未闋三日不與縣試後卒以補童子遺郡伯學使

潛江縣志

卷十六

人物志
列傳

俱拔第一卽以是年萬曆乙酉舉孝廉己丑成進士授興化令賑浸窮鄉一舸渡湖風濤卒起民望而哭者聲震天鳳怡然不動於色與民迪賦獲辜鳳抗疏於朝減浮糧二萬石蠲積逋一萬餘兩擢刑部郎疏斥貪蕩祭酒馮夢禎總督陳大科一時有以嚴見憚之頌出守平樂勸徭童子第就學化以禮讓會璫恣行粵西郡邑股慄鳳力折其鋒璫爲易嚮調常州守建先賢祠樹傳是堂撰毘陵人物志造高士王時英之廬車載還郡坐論得失侈靡之俗一礪旋備兵穎上勤簡練禁包折清驛

通墨吏望風解綬幡戟所至風霜肅然自穎趨田者數
載熹宗朝以公廉卓異特起南太僕寺少卿鳳三疏乞
休杜門著述于旄所至輒引避之惟事有關邑利害者
則不憚力爭請改折兌糧以甦里困議蠲議賑必災黎
實沾其惠而後已積僧田守張良臣計改朱侯熙洽清
丈額弓以羸田爲奇貨鳳條陳置於法民害以除有大
盜劫質庫經其門聲相誡曰勿驚我歐陽公異類葦面
如此潛俗從墓祭鳳謂委禮於草莽非古也建祠於先
世墓左置祭田訂祭約構一枝齋聚羣從子弟之秀者

潛江縣志

卷十六

人物志

二

課菽其中其不習舉子業者誨以曲禮孝經彬彬乎有
孝弟力田之風焉鳳仕不廢學讀書無間寒暑著有我
乾飛霞閣社草素風居士集曰在居偶筆一枝齋腐譚
闕中漫鈔轍軒漫書毘陵閒話昭州暇筆卒年四十九
訃聞毘陵五邑士民奔走請祀名宦邑之人請祀鄉賢
兩祀先後並舉三代之直於歐陽太僕見之矣

邑人朱士尊曰公遺命勿溷我以鄉賢事豈公尚有
歉於衷與夫崇德尚賢本由民彝寧私其人哉况公
之平生世有定論奚翅一鄉乃棺甫蓋而鄉人無小
大翕然謂當祀是亦可以槩公矣公清望在朝慈惠
在野筭僅服官數同伯道造物者尚可問耶又何怪
乎庸碌高位薄刻永年者之援以自解也

何薦可

何薦可字蒼否號具茨萬曆府子鄉魁癸丑進士初授
常州推官按獄必焚香露禱然後具狀置於理者自以
不寬以治行異等行取戶部主事擢南廣西道御史疏
邊疆戰守無長策經撫與同生嫌備陳失援致賊旁掣
紛囂之情痛切千餘言又以甯都根本重地久缺司馬
宜急簡本兵急議督練專官劾首揆溫體仁因循誤國
降秩旋復乃引病去著有二戴刪錄定註行世年七十
三卒崇禎四年祀鄉賢子翰舉人事載孝子傳鳳巖歲

潛江縣志

卷十六

人物志

三

貢士孫暉祚恩貢闈寇亂隨父詔母陳避潮中賊至將
遇害暉祚哀鳴乞代賊憫而並釋之未仕卒

劉道隆

劉道隆字麟原號啟南萬曆乙酉舉人丙戌進士授江
都知縣下車卽杖殺侵帑吏諸蠹不敢因緣爲奸昭雪
滯獄范學仁等十餘人鑿陂堰以拯涸困開商籍試士
之例歛縣當國所親多僑居楊介肆行莫問隆以匿盜
賊撲其姪棧驛逃奔其壻中書某郵符時相啣之幾不
免作令五載約已愛民風裁自砥會詔徵郡縣循良入

充風憲擢隆兵科給事轉刑科給事處言路四閱月疏
凡十數上補袞闕儆官邪彊項壁立以爭拾遺引嫌家
食七年補兵科再轉吏科復去位神宗中葉以來朝寧
之間局凡屢變門戶之說紛紜水火工科給事孫善繼
拜疏竟去道隆繼之玉元翰顧天俊李騰芳陳治則先
後去吏科科擅去諸臣命削善繼籍道隆等各降秩泰
昌改元凡老成人悉起田間除隆光祿少卿遷通政叅
議轉右通政疏薦高邑趙南星德清葛寅亮溫旨嘉納
次第擢用疏抃熊廷弼謂司馬左袒撫臣王化貞妄引

潛江縣志

卷十六

人物志

四

一二不根語欲坐經畧逆謀與兵部駁擊不報遂引疾
致仕隆居鄉嚴氣正性邑中興除大故不辭艱不避謗
如條議濬河築隄事宜一邑永賴於立朝去就間尤有
古大臣之風卒年六十七祀鄉賢子蓀恩貢通判孫廣
國進士克國恩貢會孫儵歲貢寶慶府訓導偉太學生

朱之玉

朱之玉字章峩宗望子萬曆丙午舉人授信豐知縣以
清恬醇謹得上考遷高唐知州有販金商沉舟於河鄉
人爭以網罟取之一郡譁然商不敢問玉聞之單騎至

河干盡逐網金者更取黥者一二輩法之擇善水五六人從水底探得囊篋封識宛然盡以還商商跪泣曰微公至幾爲窮途餓殍得還鄉資斧足矣烏與其他玉曰吾至此恐市人爭奪耳倘自取之何面目對吾赤子商固請曰篋中金計二千餘兩願獻其半以報殊恩玉笑曰與取其半寧攫其全卽發公役十人護送境外商爲立却金亭於河干勒碑記其事遷順天司理轉刑部郎中擢桂林知府致仕年八十二卒子士鼎太學生

張承宇

潛江縣志

卷十六

人物志
列傳

五

張承宇字幼寧號啟爾戶部夔子孕十四月而生六歲失怙穎異過人篤好經史負爽朗瀟灑之才下筆輒數千言弱冠藉藉儒林累舉不第崇禎間徵賢良方正不應仍就歲貢己卯復入鄉闈已獲雋又以策語觸時諱乙之副榜拔貢宇撫几歎曰吾經世之志不復伸矣遂感疾不起宇爲人骯髒不偕俗貌魁梧豐偉才大氣雄以匡濟自許敝口纒纒罪罪爛然雲錦尤善草書行楷疾將革客至譚笑自若友人柴一德以詩來尚援筆屬和詩曰爲問長卿病有無牀前數步賴人扶曾非閒慢如新婦縱不雕重豈壯夫姓字無聞徵盛世文章待

捲入真途煩炎欲得葡萄解千顆來當酒百壺

作製制自祭文題銘旌曰大明

高士張啟爾之樞絕筆以終著有牆東樓集四十以前詩集二十一史醜三傳合鈔歷代詩文選秋辭集唐百首振古奇哭魚腹鬪龍舟雜齣

歐陽燭

子壻孫城附

歐陽燭字誠夫號湘茹德慶守東白長子年十六三試有司咸寇中萬曆己酉鄉試赴天官試第一除乾州知州乾衝瘠而囂訟燭至攜長孫城誓於衆曰有不潔已自愛以一事累乾民者殃及此孫聞者輒加額歎其翦

潛江縣志

卷十六

人物志
列傳

六

棘撤部伐叢拔薤凡利乾民不憚心力九膺薦剡移莊浪郡丞擢南刑部郎中上有盤錯益利雷電合章之褒遷廉州太守以平海功調守韶州尋簡兵備副使移鎮姚安以防土司之變蒞政期月屢疏稱疾上猶曰其善自攝將需後用異數也歸構滄浪閣日偕其弟壻集宗黨朋游琴樽嘯詠崇禎癸未秋闖賊入郢焚陵廟燭憤甚命酒賦詩有澄清若是爲期杳蒲質何須更假年之句擲筆而逝年六十四

壻字若木號雪崖燭子恩貢通判不仕壻壯貌魁岸烟

雙眸美髭髯性豪邁善與人交所收藏古法書名畫甚富每延佳士品題酒籌歌板永夕移日不極興不休晚結廬父觀察墓側遂終老焉

瑛字他石號介菴壻子順治戊子拔貢授成縣知縣道過乾州去其祖塋爲政之時三十年父老子弟咸來拜且泣指其祠前所樹石曰天寶昌賢刺史後也願使君自愛瑛蒞成值地震山崩壓死人丁數千地裂沉田糧一百二十餘石瑛力請除凶丁蠲絕糧災民戴之爲誌於石嗣補高密令密最苦逃人流毒瑛獲逃卽親爲解潛江縣志

卷十六

人物志

七

送杜窩家板連之禍尤工詞翰退食之暇不廢詠觴尋以病卒昇櫬奠送者千餘人子錫疇中康熙庚午副榜拔貢

朱之瑚

子士達附

朱之瑚字仍樸號瑤碧宗望子博學敏才生平以聖賢自律言動不苟凡諸昆季家政悉就裁決以歲貢廷試第一授公安訓導祀躬範士成式以爲人師再補南康訓導南康俗有男女踰三十未婚嫁者一家有纍纍數棺累代不營葬者瑚至進諸生耆老切責誨諭其或家

貧無力則設彼此資給通融之法著婚儀葬儀二卷婚
葬以時直指嘉其事膺薦當遷力辭歸里白首進脩不
懈尤善臨池子士達進士

士達字顯公號亦巖之瑚子宗望孫崇禎丙子副榜順
治甲午舉人乙未副南宮己亥成進士授常州府推官
嘗樂與諸生講藝一時巍科多出其門丙午以禮記分
較南闈得知名士四人常有寓客陳有量妻海氏姝麗
漕猾林二思漁之賺量出逼海不涅以死匿骸漕糧中
又募人刃量於途達適監兌夜恍有嗚咽聲似訴漕艘
潛江縣志

卷十六

人物志

八

者驚起明炬入清米得海屍廉得林狀林以大利求道
竟置於法時方炎夏踰十日乃殮色如生常人建海烈
婦祠有銀管集以頌其事旋奉裁缺改補歸年六十四
卒孫時夏太學生考授州同時行時健俱太學生

李師沆

子善篤附

李師沆字靖源號畏蒼萬曆己酉舉人天啟壬戌進士
除安肅知縣安肅爲畿輔衝繁近地供億日夕無寧晷
沆敏練慈惠事無廢而民享安和甫報最擢吏部文選
主事旋以母老乞假林下十年崇禎乙亥詔起才能補

大理丞遷南禮部郎中轉河南叅議尋能歸結茅潭河
督耕屏跡卒年六十四子善篤性孝友績學概行一時
有謹厚之稱崇禎癸酉鄉舉授廉州推官卒於任善承
順治甲午選貢士任潛山丞孫說劭太學生考授縣丞

李庚

李庚字君義號釣城恭政之鳴子歲貢士授斯水訓導
會賊犯斯庚設伏滯水上賊宵遁斯人上其事於撫軍
直指庚曰吹劍者一吹耳豈以是希進哉遂拂衣去斯
人官撫極有迂庚出山詩曰不泝流光便舉空島妙時

潛江縣志

卷十六

九

在釣船中東方大隱堪游戲何必冥飛天外鴻又曰蘇
給曾將儒服別公庭江道笑談間而今玉匣藏霜刃忍
聽頭顱積滿山之句庚歸田後即無意人間世潛心必
務絕血味著布袍蕭然一老頭陀二十餘年著有松篁
館詩草

劉若金

劉若金字用汝號雲客性剛介嚴整喜分別倫類面折
人過爲文以清真淡健爲矩矱好苦思名其制義曰渴
日草天啟辛酉舉人乙丑進士授古田知縣海壻瘠邑

羣盜聚叢篁灌莽中梗驪劫旅若金至蘇郵弭盜臺使
交薦調補浦城令古田攀畱不得與浦城爭訴於建寧
太守守曰朝命也應與浦城聞人傳爲美談浦苦旱若
金甫視事卽廉得巨蠹榜殺之應時澍雨以平斗斛賊
功擢南吏部主事轉郎中出爲淮海兵備僉事淮右爲
濠泗門戶流寇方熾餉缺卒驕脫巾兆變若金剔釐訓
練清冒領擢將材羅舉於伍授以方畧置堡設邏賊相
戒不敢犯境淮多勢豪大猾叢奸害政若金摘發鋤擊
逾年而淮大治河工因循成習若金搜求水道悉心疏

潛江縣志

卷十六

人物志

十

築所開泃河與劉兵憲隄今猶稱之奏績晉一級賜白
金文綺益爲當事者所忌投劾還里已而上知其忠幹
優詔起南通政司右叅議特簡副都御史督撫閩廣中
原賊焰甚張若金保海上歷遷刑部尙書賜贊襄補袞
銀印致仕歸杜門謝客題常所讀書屋曰喟然軒自號
蠡園逸叟景陵孝廉吳騏贈以詩曰兵戈間道入趨陳
追憶淡恩顧老臣畱得黃冠依故里占來白社託先民
蔭松息竹俱流韻積雪鑿氷益爽神自有龍門難望見
勞生猶作路傍塵其推挹若此若金草書最佳不輕爲

人作故流傳者少善攝養精研軒岐之書毫釐精神不
衰著本草述二十四卷行世年八十一卒祀鄉賢子洸
順治庚子舉人沅陵教諭澧太學生候選知縣

歐陽燠

歐陽燠字焱夫一字澤涵東白仲子少受知於學使葛
公屺瞻長益肆力於文章聲譽日盛以歲貢士除簡州
同知遷廣東都閩叅軍旋乞歸燠性爽逸以山水友朋
爲樂所在焚香掃室羅花竹陳圖史茗盃琴樽吟詠移
情蓋隱於吏者也解組後葛巾野服嘯傲林泉每佳晨
潛江縣志

卷十六

人物志

十一

勝賞必招邀文士呼子弟環坐飛觴人謂蘭亭西園風
宛在年八十二卒卒之日命酒別戚友陶然自得若舉
手謝世人者然

柴一舉張佐

柴一舉字霞卿號鴻瀛邑諸生性恬靜蕭散志行淳慤
當明季寇亂舉一舸往還江湖間順治二年天下大定
返故廬柳陰河畔耆英歡嘯皓首兒孫環坐傳竿郡太
守李公起元公安袁彭年江夏黃正色長沙陶汝傑俱
有壽舉九十詩又四年卒

郡作李起元壽霞卿九十詩
開昔使臣過雲水睡髮親逢

排奕壘兩行林立皆鶴顏仙侶儼然圖畫裏比來劉子
向余言柴翁九十友東園精光皎若冰壺濯曾茹神芝
吸露繁有時執經能課子有時舍館學哺孫研思猶復
通淡渺手探月窟攀天根爲問此翁何所詣躡景崑崙
方高憇地行不必蒲輪徵河上風光偏開霽世人局促
服轅駒羊膈難涉路崎嶇此翁舒嘯常瀟灑留得生來
眉與鬚閱歷幾經陵谷改伐毛洗髓存主宰繼嗣翩然
遠漆前學道既成及親在向說夔出鮮比倫江沱今亦
有靈椿我將憑軼谷高蠲寫入鵝溪獻北辰 公安袁
彭年詩先生今年九十春屈指穆廟改元人閱罷七朝
丁改玉炎嶠又見赤幟新柱下乳相百四十逮事高文
上及秦先生之年才強半已見滄海三揚塵策杖高吟
江沱邊何須導引始長年有子賢豪窮宛委孫又生子
及曾元移山莫費愚公力且從衛武手一編春初把酒
待清光鄭莊初見大父行君不見荷葉如錢榴吐蕊張
緒南門舞流水恰是先生嶽降辰膝前四代奏甘旨鼎
沸聲裏憶開元手書甲子又一紀北窻一臥夢未醒驟
背大笑何年始 江夏黃正色詩荷生南浦小如錢先

潛江縣志

卷十六

人物志

三

生九十猶壯年日坐高堤雲鳥邊行人閱盡千萬千晴
霽歡逢好顏色綠楊淡蕩波光立室中忘却携筇出遠
人來前恰相及借問先生何以壽少年彈琴琴是友種
菊慇勤刈差等有花黃白秋心守兒孫箇箇催我老白
髮雖添亦大早不知時代是何年只覺逢君語言好今
朝蒲懷都是春塵埃人更一番人我持匡山一藤杖跪
進先生笑相向 湖南陶澂鼎詩君不見興都自昔雲
氣多老人一宿明江沱柴翁九十神骨如鶴立飲酒尚
記康衢歌平巾淺衣譚太古何必涼風之山與縣圃手
持青玉杖坐受萊衣舞不使黃庭換白圭安用紅顏餞
潼乳侶從綺皓圖中見眼底滄桑看欲倦生平抱道如
抱珠始覺韓彭致身賤居然神廟以前人風霜偏得老
龍鱗欲向江潭採雲母壽公與世畱其醇 張佐字翊鼎
大郎戟手笑相謝里中自有仙史真劉辰
以文學名兩中副車惟以薄福自謝設義塾教後學從
遊者多致通顯年垂百而飲啖步履如壯盛一日呼其

孫曰吾歷壞劫中得全正寢天也爾輩大道理只向聖賢書中體貼文章世業忠厚祖傳須引伸滋培之清貧是福謹識忍耐二字以俟天道遂真目逝年九十八柴翁一舉二子應旌士諧俱邑庠舉卒之日一年七十五年七十二張翁佐之子三延慶邑庠年八十二延聲歲貢士年七十八延英邑庠年七十六佐卒三子皆鶴髮童顏繞棺號泣一時人瑞萃於二翁之門異哉

莫若智

莫若智字元達號楚江汝嘉第三子弱冠失怙遭閹牆

潛江縣志

卷十六

人物志
列傳

三

之變遠贅於東鄉學博劉馨宇署中性多雅游無何自江右適秣陵執經焦澹園之門讀書不事章句惟邊防屯漕諸時務日營手畫焦公知其材適宣大總督某公焦同年友也力薦爲中權以往且佐之辦裝比至宣大而某公已絀黨議去智遂息機戢影教授里中子進士與先自幼及總角以至成名凡所讀書皆智朝夕程課者也崇禎初邑葭州守袁冕聘游上郡袁老而秦寇方熾智義不忍却遂與俱行至則專以城守機宜相委重竟屹然無虞有重囚五六人爲求其生而釋之又有匹

賴子馬九霄闔族憚之以勾賊首於官智力爭以爲雖
匹賴罪不至死乃免後袁罷官歸此人出效力捍衛抵
家而後去智之隱德遠慮多此類晚隱於邑西之長洎
湖自號之江樵叟以終

謝國玉

謝國玉字君符先世席豐資美田宅甲於鄉里玉幼警
敏氣岸磊落長好交游善結納築館舍南益勵志學問
耻爲俗下之言四方賓客造訪恒減產奉謹家遂不及
中人而才名日著連不得志于有司乃屏跡自放與高

潛江縣志

卷十六

人物志
列傳

十四

士徐適之懌李雙白曉關外侯維甸寓情詩酒會亂離
避寇湖鄉扁舟載書史壺觴自隨遇柳岸蘆溪輒呼朋
儔共飲談論娓娓聽者忘倦嘗作遣懷詩差畱古法行
吾意未解時救逐世趨可以知其所尚已後以壽終子
昉恩貢仕澤州州同

劉率國

劉率國字端侯一字夢予東鄉諭劉芬之子也少負異
敏聲爲文颯目鉢心不創獲不止萬曆戊午受知於學
使者錢塘葛公屺瞻評其文有風蕭蕭兮易水寒之語

遂以新進生拔置歲試第二名食餼蓋前此未有也自是益務振奇讀人所未見書每談藝論古石破天驚流輩咸敬憚之歲丁卯其姊夫莫若智將遊塞上子與先年十二歲甥舅相依執經問業一日悉取與先趨庭雜誦之篇數百首束而火之姊夫戟手怒詈率國笑應曰吾以純灰三斛澣吾甥舅肺腑奪蝥弧若俯拾地上芥耳踰一歲果然遠方聞之負笈者益衆如景陵程一璧其從弟劉廣國及與先皆次第成進士丙戌李尚隆解元邑農家子也率國每以元度許之其陶淑衡鑿精審若

潛江縣志

卷十六

人物志
列傳

五

此他高第弟子淵源濡染多所樹立而率國獨屢試輒蹶終不得一售豈非命耶然葛錢塘偉人巨眼所梓行江漢人文祗今沾被徧海內率國與焉嗟乎足以傳矣癸未甲申間以次應歲貢掉臂弗出杜門講授爨無欲清之人而舒歎展謔之興不少衰年六十卒

國朝

歐陽烝

歐陽烝字憲文號繫菴讀書日下數行悉記無遺年十三爲學使率亭文敏董公首拔天啟甲子舉於鄉又十

年崇禎丁丑成進士授江都縣令江都稱沃壤衝劇難治丞飭躬以廉馭民以靜理簿書斷訟獄發決如神故得以其餘閒恣覽經史百家之書五載爲令凡四校士每閱卷風發電掣夕掩關朝署榜文之美惡罔不記憶所決科名有無遲速歷歷不爽士咸以經品題爲榮奏最入覲廷議以燕魯地多殘破令所舉才望素著者十餘人仍補巖邑以儲大用丞又知滑縣一載推誠招徠滑民從賊者悉爲良善再召詣都越一日卽有甲申三月之變丞倉卒自盡爲同事者所甦病彌月不起

潛江縣志

卷十六

人物志
列傳

六

本朝殲寇定鼎補吏部驗封主事遷文選員外郎乙酉典試河南闈卷五千餘咸先搜閱然後分房細評得士九十五成進士者先後七十人旋以憂奔還乃藉張文昌胡旦之疾一丸泥自封嗚呼其淡衷可感已著觚居文選舜問堂遺藁春詞集唐共若干卷丞嘗言生平作老蠹魚不肯乾歟案頭之螢私憾千古少真讀書人從來儒者皆黨枯護朽保缺守殘以致成見不化持論多謬臚傳發塚則詩書爲檢白晝攫金則科第首禍內寇外賊皆以我輩爲口實而讀書種子似絕矣斯言其砥

行礪名之藥石乎卒年六十四子壘壘俱貢士

劉肇國

信國附

劉肇國字敏功號阮仙十歲而孤其舅氏歐陽公燧授之學燧博聞強記忠節君子也肇國親承其教文章行誼為有本云肇國性樸茂襟度恬雅家固貧食客常滿座上購書不計值每窮交故舊四方士懷刺遠投必竭情優遇有置驛投轄遺風崇禎癸酉舉人癸未進士選翰林院庶吉士

本朝順治二年乙酉授弘文院檢討典江南鄉試出其

潛江縣志

卷十六

人物志

七

門者列史館臺垣掌銓衡登公輔先後相望丙戌典武會試所得多奇士如提督梁公化鳳勲業尤著遷國子監司業首拔熊公伯龍海內文章風氣一軌於醇擢國史院學士教習庶吉士生母李太淑人奉肇國飯素茹淡三年塑母像於佛前長跪膝下誠孝所感嘗有異徵扶視歸

欽予祭葬旋請告致仕其述懷詩曰 聖恩放作山林容世業畱為田舍翁載自著菱湖集中戊戌遊江淮間明年避寇秦郵入寶應以疾卒於廣陵石埭寺僧房康

熙十八年祀鄉賢子侁恩蔭生未仕侁太學生州同先是肇國艱於嗣以弟信國仲子侁為後晚聚王夫人於京邸生侁肇國卒侁甫四齡王栢荆自誓茹荼哺孤三十餘年教侁克紹前緒里黨宗族咸稱王有功於劉氏侁恬澹自守棲心白業於城隅舍旁建劉學士祠合祀祖考後造佛閣三楹承先志也

虞山朱允治撰學士劉公祠堂記曰祠堂者何

古祀典也祭祀一也斬之則二祭於家廟曰祭祀於郊原曰祀古名鄉大夫沒先定祭禮則以其所當名者名之若考若祖考若曾祖考以至大宗小宗之廟也以報本也既定祀禮則羣公先正之壇壝也以報功也近代以鄉賢名宦從祀先師孔子廟廷而事體更大俎豆與於斯文有司必以奏請人稱崇祀誠哉祀典之極其崇

潛江縣志

卷十六

人物志

六

降者矣吾師阮仙劉公以鄉賢從祀於是其長公侁意猶未慊謂從祀自春秋丁祭而外本主閉文廟中清廟闕衎非與祭衣冠則不得瞻拜也乃謀建祠堂於宅旁之南又以余小子辱在門牆荷公之恩宸厚受公之遇最深而知公者亦最悉故屬余為之記余竊憶公生平如從祀錄中所載持已端方立朝忠謹以及接物和平居鄉雍穆誠不愧聖賢中人即其校士武闈特拔梁公化鳳稔其韜畧有針芥之投後閱幾年海逆內侵梁公以島嶼孤軍挺身出援全東南之半壁甦百萬之生靈功莫大焉所有之功則皆薦賢者之功也捍災禦患民杜賴之建祠以報不亦宜乎餘若嘉言懿行可傳不朽者簡不勝書但論祠堂之有合於古且就知人得士之一端而已不愧於斯舉如此

信國字公允號匡君肇國第歲貢士授臨桂知縣信國書法秀整工繪事其所作著色花卉風韻絕佳少依庶

母郭及郭卒信請於上引繼母例得終三年喪昔宋皇
祐間祝紳鞠於兄嫂嘗為嫂持服又請解官持兄喪羣
臣以為言仁宗曰世有匿親喪而干進者紳雖所服非
禮然亦不忌鞠育可勸也信國此舉近之子俸拔貢任
華州同知備恩廕生考授縣丞

周廷彬

周廷彬字孝質號夢漁少擅文名家有冤賦雖多累而
力學自若天啟辛酉舉人順治壬辰授鳳翔府推官有
山東進士張六部者以劾陷於辟洗獄五載檄彬覆勘

潛江縣志

卷十六

人物志

九

廉得其冤狀方白於直指出其罪

張六部獻司理周公詩黃雀投網羅展轉

困囑砥三公未顯時遇物生悲慈捐羅驅驥去養雀成
羽儀乃知聖賢心仁愛理不移賤子東魯士賦性狂且
衰雖能讀父書不甚愛交詞存軀滄桑後浪藉一無資
顧盼笑平原意氣許臨淄執政偶憐材收用及爨炊本
不堪保障且復試前絲連雲百戰後貪吏那可為而所
恃鄙念良莠定別釐燥強更悞急無功禍即隨憲典方
執法下吏漫威眉紙上傾人命吁若動天按勅下群刑
者非經術不宜其時周夫子清風灑鳳鳴人傳今定國
爭說漢釋之幸值上官令微予來公輝公輝何所見緣
草自委蛇是日看夫子顧予淚交頤繼領直指符究詰
了情辭宿贖舊雲黑形管初日曠虛明公畏閭平及剖
劇時五載案沉淪一朝得矜疑行將達司寇入告聖明
知安得天下獄司理盡如茲嗟予泪失怙十年無嚴師
今者內署獲生我復是誰逼問星軹發涕泗泣漣而不
如華陰鳥翩翩傍車駭欲
凡所讞決清慎平允矜全者
憑寸草心答報三春暹

象遷保寧郡丞兩分枝秦蜀鄉闈辭疾致仕牒未下而
解綬載道矣彬澹於仕宦生平以聚書爲樂寒暑憂喜
悉寄於中昕夕讀聲琅琅達戶外尤好括奇遇輒手鈔
自少至老不間凡數百卷宅倚鄉林之三湖春夏率小
艇携酒載書維柳陰荷氣間繙校彌旬不返沈酣筆墨
不知老至辭世之日手古詩一卷與客論往事忽長歎
端坐書屋而逝詩猶在手遂舉是編以殉年七十有七

邑人朱士尊曰同歿生之域而無怵惕於斛中亦出
而思歸耳而或者專以爲務則流於二氏誕漫迂怪
之文非聖賢所以教也蓋馬革裹屍與坐書屋武
士文人各有歿所彼戀戀閨闈縷縷身後徒增愚暗

潛江縣志

卷十六

人物志

二十

唯心有老死
有怵惕故然

劉昌吉

劉昌吉字季長漢中守應同子崇禎己卯科與仲子增
姪璿同登楚榜楚悼烈王公譏訊及隱德昌請給楮墨
卽席賦獻七律四首王益奇之賚予尤厚昌幼失怙爲
清白吏子家無贏貲侍母張恭人食貧自力有詩云一
區子與母一燈讀與織及復吟之泣下霑襟張卒昌哀
毀骨立茹素三載嘗於鄂城買篋賈人誤投一篋內有
百金昌還之其不苟於利類如此順治壬辰授黃陂教

諭有高生某被誣坐以逆議發兵勦昌毅然以百口保之密諭高生自縛來見事得白尋請老賦歸裹足城市日與田夫野老課量晴雨鄉人習之亦忘其爲薦紳也著拙吹集年七十卒子琨歲貢士訓導增同榜舉人仕至同知

朱士冲

朱士冲字雲子號澹齋宗望孫性穎敏志欽崎揮霍人有急慷慨著券濟之~~不~~計其後償遇不直轍義形於色才大行疎時有洛陽年少之目順治丙戌舉人丁亥進潛江縣志

人物志

卷十六

列傳

王

士授翰林院庶吉士尋假養南還次維揚卒時年二十八大業未竟同聲惜之

李之洵

李之洵字克恂號眉叟西鄉令鳴仲子生而貌厚志篤寡言笑童子侍塾師時卽巍然端坐日哦一編無嬌容無疾趨伯兄之皞愛之晨夕提命故其爲制舉義卓然名家小試輒冠九赴舉竟困於有司五十以歲貢士除通城訓導期月棄歸益博覽經史百家毛穎丹黃遇魯魚亥豕校正之矻矻窮年不以爲疲與人無賢愚少長

見必肅衣冠升降進退秩然禮讓或外侮至不與之校
座上客有譏議訕笑者亦未之斥嗒然無語而已康熙
癸丑應鄉飲大賓年七十六卒中州呂慎多銘其墓曰
高曾規矩唯公守之萬石恭謹唯公有之可謂善言德
行巳子貺舉人知縣冀太學生孫世兌康熙庚午鄉魁
世解太學生

劉廣國

劉廣國字竇生通政道隆孫順治戊子舉人已丑進士
授高平知縣分校辛卯晉闈補岑溪知縣擢刑部主事

潛江縣志

卷十六

人物志

三

康熙癸卯分校順天轉禮部郎丙午典浙江鄉試遷漢
羌兵備僉事裁缺歸里潛之大患在隄防數苦隣邑板
協假公者樂其可漁終歲厲民以供人役弛汛防而罔
顧潛之憊甚矣歲戊申荆州有石頭嘴江隄之築板協
於潛計工當費巨萬潛人大恐廣國率紳士父老同王
侯又旦赴荆集議力持不可備陳地勢高下水性逆順
江漢利害不相及之故反復辨難累日卒定荆安兩不
相協之案樹德於鄉廣國能繩其祖武焉卒年四十九
子豫衡邑諸生偉太學生

張締之

張締之字仲嚴世以儒顯曾祖懋仁嘉靖戊午舉人篤
實行崇正學祖翼歲貢士萬曆甲寅廷試第一俱未仕
締之謙正有祖風而藻翰雅艷卓越一時順治辛卯舉
於鄉授東安教諭東安僻介粵徼士習荒陋締之出其
弄藏討論指示士喜其樂易被其教思文采丕然可觀
擢文昌知縣未任卒子先瑞歲貢士

廖燧聶之翰

廖燧字言蓀順治戊子拔貢試銓司次當除通判未任

清江縣志

卷十六

人物志
列傳

三

卒燧具敏才長於辭賦所居茅屋席門生徒環列嘗和
邑明經朱石戶落花長律二十首一夕而成竟陵譚灑
村侍講序而合刻其集行世聶之翰字衆藻康熙癸卯
舉人授黃陂教諭遷辰州府教授尋乞歸翰諸生時卽
以師道自任郡人士慕其學行爲築館舍延教授經出
其門者多以文章科名顯翰晚節益礪爲郡伯邑長所
雅重遂家而終老焉二君皆起家作師一以詞賦傳一
以科名顯教思之澤無窮哉

劉璿

劉增字聲玉號岸僧漢中太守應同孫黃陂論昌吉仲子通敏贍學問與物外和而中介孤尚逸情不可得而親疎人也崇禎己卯同父昌吉從弟壽登賢書順治丁酉授永平府推官畿輔要衝俗悍黠動皆掣肘增廉正不回強禦多所忌憚而民甚德之未幾遷南康府丞私喜得山水勝地可遂卧理臺使夙知其賢檄攝德興令事比至却征耗平訟獄清惠之聲徧境內尋解組歸康熙甲辰以攝令時承追積逋應墊銀五百餘兩徵赴興與人聞增至無遠近來迎忻且哭者千百人且議代償

潛江縣志

卷十六

人物志

十四

殫力樂輸不喻旬而畢增父昌吉聞之謂能不辱祖父

清慎家傳賦遷吏四絕句紀其事

遷吏從來久處難權輕怒重謗無端殷勤

傳爾民情厚較勝初時舊愛官

可憐公道近唯民恩

不能忘怨即徇如客所稱羣戴擁始知官不厭甘貧

受罰寧能出彼鄉民難代贖敢相商多金傾國交爭勉况更今年大苦荒行時曾憶哭盈郊如覆慈烏母脫

巢待罪來時何許事

增晚憇荷湖紙牕木榻布袍蹇驢

蕭然無異寒士嘗自題其壁曰亦然農叟亦然郎官其

高致如此年六十七卒

李世儒

李世儒字推修一字次山叅政之孽孫廣文庚子少孤

不逐於嬉長識詩書危坐誦讀經月不出戶庭義所不
違研索至廢寢食制舉莠力追先正屢爲司衡所擊賞
學詩愛韋左司柳河東嘗所作佳處樸澹韻冷人亦如
之素不事家人生產復不耐於制舉先世業棄之若遺
棄困而無怨尤之色已而游大梁登嵩少賦詩益曠逸
可觀徙居江陵龍湖以疾卒年三十有九世儒與同里
朱載震爲硯席交每商榷今古砥礪文行各以古人相
期規勉不少貸儒疾篤貽震書曰吾有詩一卷君爲我
釋其勿淪於法者點定而授吾子他日君爲我礪一片
石書江陵流寓李煉延之墓煉延世儒後所自易名也
嗚呼士不得志於時竟幽憂頽放而不能假以學道之
年可傷也

歐陽焯

歐陽焯字賓霞順治丁酉舉人戊戌進士授樂安知縣
以寬簡爲治尋乞歸樂安之人扶携泣餞者越境外卒
年五十八子翥歲貢教諭孫琬瑤瑄俱太學生先是焯
與東暹年踰五十未有子焯嫡母張性嚴毅生一女頗
慧有勸暹納貳室者難爲言旣而聘景陵張氏女匿別

館去嫡母所居才數武舂杵刀尺之聲相聞凡七八年
嫡母不知也遲五十九生焯兄燒六十三生焯焯兄弟
孩提時數過其家嫡母以為隣家兒撫慰飲食之歎曰
此佳兒恨不生我家其女與僮僕皆竊笑然卒不以告
及遲卒議為之後者宗族故遲回無所屬而訶微以其
事聞諸嫡驚且喜曰此大事胡弗早告我使我負不賢
名遽起携二子及母張入而成禮焯時五齡未幾嫡母
卒生母張撫二孤子捍門戶諤以成名焯捷南宮歸衣
宮綵為母稱七十壽宗黨榮之年八十二卒母維危養
潛江縣志

卷十六

人物志
列傳

三

涂奠祚

涂奠祚字小康號孝齋為學以篤實為宗志勤而行方
少有聲黌序崇禎己卯闈卷江夏鄒公首薦格於式竟
乙之以尚書教授里中嘗携其子銓侍學奠祚課諸生
因材督程啟廸誘掖必學者豁然有得而後已以故士
多所成就而銓之業益日進銓成進士奠祚猶隨諸生

應試學使武塘魏公禮而慰之休與人坐論終日貌恭而容粹神斂而氣凝環席側侍者皆肅然傾嚮欽其素履之端也康熙癸丑應舉鄉賓年七十卒以子銓官贈奉政大夫銓字遴士號湘崖康熙己酉舉人庚戌進士授昌化知縣丁巳科分校浙江文武兩闈以行取補兵部督捕司主事典四川甲子科鄉試歷兵部職方司員外戶部浙江司郎中遷東充兵巡僉事次子銳季子鎬俱太學生孫濂歲貢教諭

向大觀

潛江縣志

卷十六

人物志
列傳

七

向大觀字望湄號邁舫順治甲午舉人乙未會試副榜除桂陽教諭大觀舉止莊雅論議崇閎禔躬範士一以古賢爲則葺脩濂溪書院館貧而力學者於廡洞庭以南嚮風者不遠數百里執經來學戊戌成進士授廣西懷遠知縣懷遠與猺獞相錯地嶮而俗陋大觀剔從前爲猺病者盡革除與民更始科必按畝丁必隨糧請復烟禾舊法勸民耕桑教之植桐蓄魚獲自然之利村爲置社社立官廳旁建塾遣社師分峒設教取豳風七月流火詩演爲俗詁名曰懷豳歲仲春按行峒野命社師

升席講說童子歌詩耆老擊鼓爲野農行酒侑勤禁蘆
笙互荅以別男女之嫌嚴抵償法以儆同類殘殺移建
學宮於邑中朔望集民耆苗長率各峒師生於明倫堂
教以拜跪閱其優劣行賞變獠苗獷悍鄙野於聲名文
物之中大觀以經術爲吏治之效也丙午分校粵闈峒
苗擁妖僧顛巫惑衆犯順大觀請兵申討檄觀隨營監
紀督運糧草勦撫並用三閱月獠苗以平遂乞歸苗民
爲祠生事之牽羊擔酒挽衣泣送者數千人壬辰與修
邑志癸丑與修楚志會軍興未及授梓甲寅築萍野莊
潛江縣志

卷十六

人物志
列傳

六

於邑東南六十里移居六載卒卒之日手一卷立水亭
倚檻吟曰水上魚鷗稱社侶山中木石認居人吟罷隱
几而逝著邁舫文集五卷禮記續朱周易體象古序詩
經楚辭解漢魏樂府題解金剛經相解史論西撐詩說
共若干卷子光宁歲貢士訓導

朱士尊

朱士尊字偉臣一字石戶花農其別號也同里進士莫
與先爲之傳曰朱君少負異秉於書無所不讀極博而
好沈湛之思君大父比部涓瞻公建擁萬閣貯經史百

不以侵

又止園先生止園隱君子所居池館蕭森牙

誠益笑

賦益富君因得恣其涉獵年逾弱冠遭亂知

子不

述吐棄帖括其學唯以明體達用為務凡經

世大典

和鄭馬丘諸家所紀而未備者以不泐端竟

季一

見諸施行雖號稱聞人與朝夕研席者莫闕

其崖

憲治初學使天錫王公崇尚實學徵者舊通

傷

此書院君為所羅旋解去幽屏著述甲午選

入

一鼓僊遂歸會軍役業興里甲重因君傲噓

邑

乃請于邑侯除當年名邑為權宜補救之計

江

卷十六 人物志

七

條

竹流八漸復閱幾年而永華里排之令下顧

其解

校須史以觀厥成君開先之功父老猶誦述

之

侯幼華延君與望涓向君次山李君及長君

載

邑志論斷多出君手已而卜築南郊東浦距

邑

移居惟載書十餘車耳蓋君生平多千里客

又

豐施予不靳斥股產美宅任人之緩急故雖

世

家益中落然終其身不少變晚號花農老人

識

得桃椎隱士漢上先生家法云年七十八卒

凡

所著書有治平要錄史畧遇鈔異鈔編柳堂詩集則

商丘中丞
必何所論定序而傳之者書法蒼妍尤

為時所重
載震歲貢士教習知縣

李

李旣字君
號晉城西鄉令也孫廣文之洵冲子天性

樸雅敏於
字與人無吟哢而有特立之志順治戊子舉

於鄉年才
二十二數困公車遂除知柘城縣旣廉靜與

民宜臺使
到則民皆良徵會以父憂去不果補丹徒

知縣丹徒
為隴北水陸要區又時軍出繁劇旣從客

置民德而
亦無廢尋社吏議罷愛潤州山不有家

江寧志

卷十六 人物志

三十

之志樂屋
去國之陰焦山當戶每春夏風日恬霽或以

月
招友搖小艇載酒登臨累日忘返與

吟詩
舍酒樓墨蹟尤多嘗往來吳會其名

繼
言獻酬咸謂有晉人灑散高風既篇潤

載
以私干謁人尤不喜與俗接住家下必

移日
不復愁罍耻不愁甌塵也康熙庚午子世兌

記魁
往迎還鄉終非所好邑城南網臺為李

業
欲誅茅終老焉因以為號未及登而卒年

六十六有六
卷有舍桃軒詩稿百城煙水集行世

彭峻齡

彭峻齡字又房號戒菴爲人孝友爲遇事剛直能任
順治戊子舉人已亥進士初授龍川知縣剔弊除陋請
復食潮鹽以息商害重建學宮月率諸生童子課藝文
教漸興康熙乙卯潮閩報叛大兵出征龍川爲水陸必
經夫船供億甚苦峻齡單騎護送往返上下稱便大炮
度嶺索民過山錢泣訴不允峻齡忿激投河衆援出之
始免時城守卒檄充援勦隣寇遽起峻齡捐募壯士二
百人訓練授以方畧賊至設伏斷歸路禽斬殆盡龍川

清江縣志

卷十六

人物志
列傳

三

人以其功德卽宋丞相吳毅夫東山誦學地建書院生
事之每逢生辰咸來稱祝以志不忘十五年丙辰海逆
陷惠潮文武官吏率棄城迎降偽都統洪羽領數萬衆
犯龍川峻齡禦戰不利遂抱印赴贛州軍前乞師恢復
事見龍川縣志事聞補授博平知縣尋致仕歸里捐金置產均
分其愛弟爲其姪營家室課以有成置墓田訂宗譜邑
數百年大害無如里排峻齡力請於上詳載前賦役志勒石永
革歷今遵守而利賴之是又其大功在於一鄉也年七
十二卒子述憲歲貢士安鄉教諭

論曰名者世所競趨而實足以副恒難三物六德之義衰立爲官箴以束之著爲月旦以儆之繼以董孤之筆大書特書袞鉞金昭使爲善足以興而不肖知所誠斯亦知令名非倖邀托紀載以垂不朽者爲可尚已夫獵名而浮誇溢美簡陋而有善弗彰君子謂其失均焉邑乘自萬曆庚子至康熙甲戌凡九十四載其間奇人挺生名臣大儒類出世胄勲業文章淵源授受有以也啟禎之際尚廉隅耻詭行卓然以潔身持世自命者炳炳洋洋聲施汗簡

潛江縣志

卷十六

人物志
列傳

三

本朝崇實絀浮禮教漸被淳厚成風以循良著以德行文學顯霞起雲烝彬彬乎筆不勝紀匪以侈一邑人材之盛蓋使觀曩牒所畧與今所詳核而傳信者詎曰上備輜軒之采將以俟異日執筆之有所徵其庶幾乎